

EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

KIROLA ETA EMAKUMEA DIRELA-ETA, KONTROL MOZIOA

Reyes Carrere Zabala EH Bildu udal taldeko zinegotziak, Udaltzaren Organo Araudiko 98. artikulua oinarri, mozio hau aurkezten du, emakumeek kirol alorrean duten parte-hartzeari buruzkoa, Udaltzaren azter dadin. Mozioa 2021eko urriaren 18an Pertsonentzako Zerbitzuen Batzordean aztertutako interpelazioaren ondorioa da.

JUSTIFIKAZIOA

2011. urtean, Berdintasun Sailak *“Emakume eta gizonen egoeraren diagnostika eta lan ildoak Donostiako kirol esparruan, eta Donostiako kirol-eremuan jarduteko ildoak”*¹ txostena argitaratu zuen. Diagnostiko horren helburu nagusia zen Donostian kirola egiten zuten (edo egiten ez zuten) emakumeen errealtatea ezagutzea, zailtasun eta oztopoak identifikatzea eta azkenik, neurri zuzentzaileak proposatzea.

Helburu hori lortzeko, AVENTOK, Berdintasuneko Sailak kontratatutako aholkularitza-enpresak eta txostenaren egileak, honako eremu hauetan emakumeen egoera aztertu zuen: eskola-kirola, errendimendua, aisia eta kirol-ekitaldiak; betiere **genero-ikuspegia** aintzat hartuta, eremu sozial eta profesional horretan dauden oztopoak edo egoera diskriminatzaileetako batzuk identifikatu zituzten. Aurrekoaz gain, Kirol Udal Patronatuak, ikuspegi beretik, ere azterketa egin zuen, gure hirian kirola sustatzeko arduradun nagusia baita.

Beste gomendio batzuen artean, AVENTOK nabarmentzen zuen Donostiako klubei eskatu behar zitzaizela entrenamendu-guneak eta partiden ordutegiak **berdintasun-irizpideen** arabera banatzea; Udalak, diru-laguntzak emateko garaian, kontuan hartzea klubetan neskatoei eskainitako kirol-aukeren **kalitatea**, aukeratutako modalitatean jarraitzea bermatzeko; Kirol Patronatuaren kudeaketari dagokionez, aholkularitza enpresak txostenean gomendatzen zion **berdintasun-irizpide berriak** sartzea une horretan zituen hiru diru-laguntza lerroetan (eskola-kirola, klubaren egitura eta aparteko kirol-ekitaldiak).

Kirol federatuari dagokionez, funtsezko datu bat aipatu zuten diagnostiko horretan, eta edozein kirol-modalitateko kirol klub batekin zerikusia duen edonork egiazta dezakeena: emakume kirolari gazteen abandonu kezagarria 14-16 urte bitarteko adin-tartean, hau da, kadete mailatik jubenil mailara pasatzen direnean. Orduan argitaratutako datuen arabera, 2008/2009 denboraldian, adin-tarte horretan, emakumeen lizentzien jaitsiera gizonezkoena halako bi zen.

1 [https://www.donostia.eus/info/ciudadano/igualdad_plan.nsf/vowebContenidosId/0D1DA3B73894FEB1C1257A0D00303A49/\\$file/TxostenaDonostiaKirolaBerdintasuna.pdf](https://www.donostia.eus/info/ciudadano/igualdad_plan.nsf/vowebContenidosId/0D1DA3B73894FEB1C1257A0D00303A49/$file/TxostenaDonostiaKirolaBerdintasuna.pdf)


EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

15 Grafikoa. 2008/2009ko lizentzia federatuen portzentaia kategoria eta sexuaren arabera.



2011n egindako diagnostikoaren baliozkotasuna onartuz, uste dugu hutsune batzuk dituela, hurrengoan bete beharrekoak. Adibidez, Donostia beti izan da goi-mailako emakume kirolariak izan dituen hiria, eta talde horietako kirolari eta emakume teknikoaren profesionalizazio-maila eta kopurua aztertzea garrantzitsua da, beraien lan-baldintzak eta duintasuna zer mailatakoa den jakiteko. Eta zentzu honetan, jakina da kirol-eremua dela gizarte honetan genero-arrakala handienetako bat daukan jarduera, eta egoera hori agerikoa da, kirol-jardueran ez ezik, emakume epaileen eta kudeaketako presentzia eskasean ere. Errealitate honek ere bultzatu behar gaitu ikertzea, lehenbailehen, gaur egun emakumeen eta gizonen arteko arrakalak: baldintzetan, beharretan, partaidetza-indizeetan, baliabideetarako sarbidean, botererako sarbidean eta erabakiak hartzean.

Kirola eremu maskulinoa da tradizioz, non eta gizarteko beste esparru batzuetan dauden genero-desberdintasunak etengabe agertzen diren. Eta Donostiako Berdintasun Sailaren zeregin nagusia da gure hirian berdintasuna lortu ahal izateko zeharkako ekintzak bultzatzea. Baita kirolean ere. Zalantzarik gabe, emakume kirolarien jarduera-baldintzak hobetzeak Berdintasun Saila baino gehiago hartzen du bere baitan. Jakina da berdintasun-politikak zeharkakoak direla eraginkorrak izan daitezen. Eta zentzu honetan, Kirol Patronatuaren zeregina ere funtsezkoa dela. Baina horrez gain, beste udal atal batzuk ere inplikatu beharko lirake (adibidez, Sustapeneko departamentua emakumeak kirol-jardueretan kontratatzea erraztuko duten ekintzak aktibatuz, edo Hiri Mantenimenduak gune publikoetan dauden puntu arriskutsuak argiztatuz).

Azken finean, oraingoan ere, Berdintasun departamenduari dagokio kirolean dagozkion zeharkako-ekintzen lidergoa bere gain hartzea, beste kasu batzuetan egiten duen bezala.

Hamar urte igaro dira AVENTOK egin zuen azterketa hartatik. Horrek esan nahi du emakume belaunaldi oso bat neska izatetik emakume izatera pasatu direla eta datuak zaharkituta daude.

Beraz, Donostian kirola egiten duten emakumeen egoeraz, galdera berri asko sortzen zaizkigu:

- Zein da gaur egungo errealitatea? Asko aldatu al da?
- Duela hamar urte kirola egiten zuten (edo ez) neskek kirol ohiturak aldatu al dituzte?
- Genero-ikuspegia ezarrita al dago KUPek aktibatzen, sustatzen eta babesten dituen ekintza guztietan?.
- Kirola egiten edo egin nahi duten emakumeek ikusten al dute duela hamar urte baino aukera gutxiago edo gehiago kirola egiteko?
- Donostiako zein klubek dute txertatuta beren jardueran genero-ikuspegia? Zein dira emakume gazteen artean ia erdiak kirola uzteko arrazoiak? Murriztu egin da edo berdin jarraitzen du kopuru horrek?

EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

- Hamar urte hauetan, bai KUPEk, bai ikastetxeek, baita kirol-klubek ere neurri espezifikoak ezarri dituzte 14-16 urte tarteko emakume gazteen abandonu hori saihesteko edo murrizteko? Eta eraginkorrak izan al dira?
- Hamar urte hauetan gora egin al du kirolean aritzen diren emakume profesionalen kopuruak?

Berdintasuneko zinegotzia batzordean honi buruz interpelatu genuenean, ez zuen beste diagnostiko eguneratu bat egiteko interes handirik agertu. Adierazi zuen KUPEk baduela jada urteko memoria bat, berak nahikotzat jotzen duena. Baina badirudi ez dakiela KUPen urteko memorieta ez dela 2011n egindakoaren moduko azterketa sakonik egiten.

Horregatik guztiarengatik, honako hau da behean sinatzen duen zinegotziak aurkeztutako **KONTROL MOZIOA**:

- Donostiako Udaltzako Udal Gobernuari eskatzen dio egin dezala, ahalik eta lasterren, emakumeen eta gizonen egoeraren diagnostikoa, generoaren ikuspegitik, Donostiako kirol-esparruko jarduerak-ildoak zehazteko; emakumeen kirol-jarduerako eremu guztietan egon daitezkeen oztopoen ezagutzan sakontzeko; eta kirol-jardueran gizonen eta emakumeen arteko arrakala ekonomiko eta soziala saihesteko duten zeharkako jarduketak-ildoak eta ekintzak ezartzeko.

Donostia, 2021eko urriaren 22a

Reyes Carrere Zabala
EH Bildu udal taldea